



## PEPA O FA'AMATALAGA 5 IULAI 2024

### AOTELEGA O TUPE MAUA MA TUFATUFAGA MO LE AU-FAIUNITE A LE FA'APUTUGĀTUPE TEUFA'AFaIGALUEGA O MAVAEGA TAUSI A SAMOA

I le agaga fiafia e fa'alauiloa atu ai e le Fa'aputugātupe Teufa'afaigaluega o Mavaega Tausi a Samoa, le maea aloaia ai o le tausaga fa'aletupe 2024 i se tulaga lelei ma maualuga o ana tupe maua.

Ua mafai ona ausia lenei tulaga maualuga ona o le lelei o taunu'uga ma fa'atinoga tau tupe a kamupani tumaoti o lo'o fa'afaigaluega ai tupe a le Fa'aputugātupe, fa'atasi ai ma tului fa'aopo'opo sa toe maua mai i ana nōnōgātupe. O lo'o tumau pea le tele o lu'itau i le tau sailia lea o avanoa talafeagai e teu fa'afaigaluega ai seleni a le aufaiiunite, ae sa finafinau pea le Fa'aputugātupe,, ma ausia ai le aotelega o ana teugātupe teufa'afaigaluega e tusa ma le SAT\$290 miliona i le fa'aiuga o Iuni 2024; e SAT\$40 miliona le fa'asiliga mai le tausaga 2023.

O nei taunu'uga ua mafai ai ona talia ma fa'alauiloa aloaia ai nei e le Komiti o Faatonu ma le Tausi Mavaega, e faia se tufatufaga, mo sui-faiiunite, e tusa lea ma le **7.5 sene** i le iunite e tasi, o lea tufatufaga e tusa ma le 4.05% pasene o tupe fa'aopo'opo.

**O le si'itia o le tau aoga o le iunite i totonu o le 12 masina e 8.19%, ma a fa'aopo'opo iai ma le pasene o le tufatufaga e 4.05%, ona maua lea o le aofaiga o le Fa'aopo'opoga i Teugāupe e 12.24% ma o se pasene sili ona maualuga, sa gata lona ausiaina i le tausaga e 2014.**

O tufatufaga o tupe maua a le Fa'aputugātupe, e fuafua lea i le "Aofaiga Atoa o Iunite" e umia e se sui faiiunite i le Aso 30 Iuni 2024. **E SAT \$9.34 miliona** le aofai o le seleni o le a fa'apea ona fa'asafua atu i **sui faiiunite e 5,983**, e amata atu i le **Aso Lulu 10 Iulai 2024**.

Na fa'aalia e le Ofisa Sili o Pulega a le Kamupani, Tevaga Viane Tagiilima e fai ma sui o le Komiti o Fa'atonu, Mavaega Tausi, le Pulega ma le Afaigaluega, e fa'afetaia le mamalu o sui-faiiunite ma pa'aga uma a le UTOS, mo le latou lagolagosua i tausaga ua tuanai, lea ua va'aia ai le fa'atuputupulaia o le fuainumera o sui-faiiunite i le fa'aiuga o le tausaga fa'aletupe lea fa'atoa maea atu.

*O le Fa'aputugātupe Teufa'afaigaluega o Mavaega Tausi o Samoa, o se faaputugātupe tūmaoti e pulea e le aufaiiunite ma ua tu'uina atu le fa'atuatuga i le Kamupani tau Mavaega Tausi, e va'aia ma tausia uma latou meatōtino. O nei meatōtino, e aofia ai ma vaegātupe o lo'o*

*teufa'afaigaluega i vaega ese'ese o le tamāoaiga e maua mai ai ni seleni fa'aaopopo, e pei o tupe teu fa'avaitaimi i faletupe, nonōgatupe malupuipuia i le Mālo o Samoa ma sea i totonu o kamupani t ūmaoti i Samoa nei ma le Pasefika. O le anava fa'aagafeso'otai a le fa'aputugātupe, o le manuia lea o tagata uma, ia saunia ni auala faigofie ma taugofie e teufa'afaigaluega ai seleni a so'o se tagātanu'u o Sāmoa. Ae o lana anava fa'apisinisi, ia ausia ni tupe fa'asili mo aufaiiunite mai ana teugātupe ua maea ona iloilo toto'a.*

*Mo nisi fa'amatalaga e uiga i lau teugātupe teufa'afaigaluegai le UTOS, fa'amolemole fa'afeso'otai mai le tatou ofisa i le +685 29916 poo o le +685 29649. E mafai foi ona imeli mai i le [info@utos.ws](mailto:info@utos.ws) po'o le faafeso'otai mai i le tatou Facebook Page – Unit Trust of Samoa pe agai foi I luga o le matou upegatafailagi i le tuatusi o le [www.utos.ws](http://www.utos.ws).*